

Tou fanm ki nan Abri an Ijans (EA) sa a dwe fè yon verifikasyon antesedan kriminel (CORI)

Kisa yon verifikasyon CORI ye?

Yon tchèk CORI se yon verifikasyon antesedan. Li gade pou wé si w gen yon istwa kriminel oswa akizasyon kriminel annatan nan Massachusetts. Sèvis Enfòmasyon Depatman Jistis Kriminel (DCJIS) se ajans Massachusetts ki kolekte epi jere istwa kriminel.

Poukisa fanmi yo dwe gen yon verifikasyon CORI?

Yon nouvo lwa rekòmande pou fè verifikasyon CORI . Nou vle Abri Familyal EA yo pi an sekirite pou fanmi yo. Yon verifikasyon CORI epi pataje verifikasyon antesedan kriminel ou kenbe fanmi ki nan abri a an sekirite.

Kiyès ki dwe fè yon verifikasyon CORI ?

Tout manm nan fanmi yo ki gen 18 an oswa pi plis dwe fè yon verifikasyon antesedan CORI pou yo kalifye pou Asistans an Ijans EA. Sa a valab pou fanmi k ap:

- Aplike pou Abri Familyal EA ;
- Sou lis kontak pou Abri Familyal EA; ansanm ak
- moun ki gentan nan Abri Familyal EA a.

Kisa mwen dwe fè pou yon verifikasyon CORI

Pou w siyen fòm konsantman CORI a, ou dwe:

- Bay non w, dat nesans ou, ak (si disponib) dènye 6 chif Nimewo Sekirite Sosyal ou.
- Bay prèv idantite w. W ap jwenn plis enfòmasyon sou sa nan do feyè sa a ak sou entènèt.
- Siyen epi mete dat nan fòm nan.

Kisa k ap pase si m refize oswa si m pa ka fè yon verifikasyon CORI ?

Si w pa siyen fòm konsantman CORI a, y ap refize w oswa retire w nan EA a. (Gade do feyè la pou plis enfòmasyon).

Aprann plis sou verifikasyon CORI nan
www.mass.gov/applyforea oswa itilize kòd QR sa a:



Kisa m ka itilize kòm idantifikasyon pou yon verifikasyon CORI ?

N ap aksepte yon pyès idantifikasyon gouvènman an te ba w. Sa a enkli, pa egzanp:

- Yon paspò Etazini oswa nenpòt Lòt peyi etranje te ba w
- Yon kat idantifikasyon gouvènman an ba w ki gen foto w, tankou yon lisans pou kondwi;
- Yon kat rezidans pèmanan gouvènman Etazini an te ba w;
- Yon kat idantifikasyon militè gouvènman Etazini an te ba w;
- Dokiman Tribi Ameriken Endyen; epi
- Lòt fòm dokiman j ke DCJIS aksepte.

E si m pa fin asire m si y ap aksepte dokiman idantifikasyon m nan?

Si ou pa genyen okenn nan fòm idantifikasyon gouvènman an bay yo ki ekri anwo a, EOHLC pral revize lòt dokiman idantite ou genyen yo dosye pa dosye pou detèmine si yo ka aksepte yo.

Ak kiyès mwen dwe pale si m gen kesyon?



Mande Homeless Coordinator la pou plis enfòmasyon sou ki dokiman nou aksepte. Yon Homeless Coordinator se moun ki soti nan eta a ki ede w aplike nan EA. Rele (866) 584-0653 8 a.m. – 5p.m. Lendi jiska Vandredi. Yon reprezantan sant apèl ap refere w bay Homeless Coordinator

E sim genyen yon dosye kriminel oswa mwen gen yon chaj dosye kriminel ki ankou?

Kèk krim ap fè yon moun pa kalifye pou pwogram EA. Yo ka refize w abri. Nan kèk sitiyasyon, yo ka pèmèt moun la nan abri a men mete restriksyon sou kote yo mete yo.

Kijan m ap fè konnen si verifikasyon CORI mwen fè enpak sou kalifikasyon m pou EA ?

Anvan EOHLC pran aksyon akòz dosye kriminel ou a, n ap di w davans epi n ap ba w:

- Yon Avi sou aksyon negatif (dokiman ki fè w konnen n ap pran aksyon);
- Yon kopi dosye COR ou a; epi
- Enfòmasyon sou fason ou ka mande DCJIS korije COR ou a.

